



Kata Alu-Aluan

KETUA PENGARAH PENDIDIKAN MALAYSIA

Assalamualaikum Warahmatullahi Wabarakatuh, Salam Sejahtera dan Salam Malaysia Madani.

Alhamdulillah syukur ke hadrat Illahi atas limpah kurnia-Nya saya berkesempatan untuk memberikan kata alu-aluan dalam majalah sekolah tahun ini.

Setinggi-tinggi tahniah diucapkan kepada sidang redaksi atas kejayaan menerbitkan majalah ini. Saya yakin, semua pihak telah melaksanakan yang terbaik dalam memastikan pelbagai peristiwa sepanjang tahun ini dapat dirakam dan memberi informasi yang padat serta menarik agar dapat dikongsikan dengan warga sekolah.

Pendidikan merupakan tonggak utama dalam pembangunan individu, masyarakat dan negara. Ia tidak hanya menyediakan pengetahuan dan kemahiran praktikal tetapi juga membentuk nilai, sikap dan keyakinan yang membentuk personaliti seseorang. Perkara ini sejajar dengan visi dan misi Kementerian Pendidikan Malaysia (KPM) iaitu untuk melahirkan bangsa Malaysia yang taat, setia dan bersatu padu di samping melahirkan insan yang beriman, berakhlak mulia, berilmu, berketerampilan dan sejahtera. Malah, aspek keinsanan atau dimensi pendidikan manusiawi turut menjadi keutamaan pada hari ini. Justeru itu, saya ingin menyeru semua warga sekolah untuk menitik beratkan aspek sahsiah dan karamah insaniah dalam kalangan warga sekolah serta sentiasa memberikan komitmen tinggi dalam merealisasikan agenda KPM demi memenuhi keperluan pendidikan negara.

Akhir kalam, besar harapan saya supaya majalah sekolah ini tidak hanya sebagai sarana informasi dan komunikasi, tetapi juga sebagai wadah inspirasi bagi kita semua. Syabas dan tahniah diucapkan buat semua anak didik dan guru yang dikasihi atas pelbagai kejayaan yang telah diperolehi sepanjang tahun 2024.

Sekian, terima kasih.


HAJI AZMAN BIN HAJI ADNAN